



Universitätsbibliothek Paderborn

**Responsio Ad Accusationes Quibus De Mala Doctrina
Accusatur Apud S. Sedem Florentius De Cocq Ecclesiæ S.
Michaëlis Antverpiæ Ord. Præmonstrat. ... In Libello, Cui
Titulus: Propositiones per Belgium ...**

Cocq, Florentius de

Lovanii, 1693

Responsio.

urn:nbn:de:hbz:466:1-40343

R E S P O N S I O.

Optassem hic iterum, Accusatores nostros Doctrinam hanc nostram (ut quidem ibidem ipse facio) proposuissent, ac restrinxissent: Unde coger iteratò rem repetere.

Primò ergo probavi dictam propositionem, de qua accusor, ex famoso S Augustini dīlcrimine inter gratiam hominis sani & lapsi, quo docer, gratiam hominis lapsi non dare tantum posse agere, sed ipsum agere: & (ut de hominibus lapsis ait S. Doct̄or I. deCor. & gr. c. 11. *Hæc gratia potentior, & tantò major est*, ut parum sit homini per illam reparare perditam libertatem, parum sit denique non posse sine illâ, vel apprehendere bonum, vel permanere in bono, si velit; nisi efficiatur, ut velit.

2. Quia si gratia illa esset merè sufficiens, dans solummodo posse, non aliquid agere, à voluntate pendebit acceptatio gratiæ in hoc statu: quod homo erit, qui se discernet; quod negat Apostolus.

3. Addo, quod si nulla gratia ad agendum præter gratiam sufficientem sit necessaria, rogo, quî veniat, quod ne è millibus quidem vicibus, imò nunquam, actum producat, aut producet?

Ex quibus jam indè pater, me agere contra *gratiā molinisticè sufficientem*, sive ultra quam ex parte Dei non est alia gratiæ necessaria ad bene agendum; sed ex voluntatis beneplacito pendeat, eam gratiam acceptando, reddere illam efficacem: quam quidem gratiam sufficientem rejicit tota Schola Augustino-Thomistica, & nos cum ipsa.

Nec etiā tam aversi sumus à gratiâ Thomisticè sufficienti, sed sano sensu intellectâ; pura, ultrà quam ad bene agendum requiritur insuper alia gratia, qualē Thomistæ omnes exigunt: et si cum majoribus hujus Scholæ Lovaniensis ob rei novitatem à nomine *sufficientis* (ut de illis notat D. Steyert) merito abstinuerim, & malim cum illis illam vocare excitantem.

Quod autem hæc eadem doctrina sit Scholæ Thomisticæ, declarat ejusdem Doctrinæ vindex acerimus Thomas Lemos Panopliae gratiæ tom. 4. l. 4. p. 2 tr. 3. cap. 7. ubi ex professo docet, & ait sub titulo Capitis: *AUXILIUM SUFFICIENS RESPECTU ALICUIUS ACTÙS, SEMPER EST EFFICAX.* Et addit, quod circa hanc quæstionem, COMMUNIS ET VERA THOMISTARUM SENTENTIA EST, *QUOD OMNE AUXILIUM SUFFICIENS COMPARATIONE UNIUS ACTUS, SEMPER EST EFFICAX RATIONE ALTERIUS, AD QUEM EFFICIENDUM EX ABSOLUTO ET EFFICACI DECRETO VOLUNTATIS DIVINÆ ORDINATUR.* Eandem doctrinam aliquot exemplis ibidem declarat, & solidis rationibus confirmat.

Nec alio sensu Doctrinam illam dicto loco proposui, dum ulterius conclusione 2. ibidem addo, & dico: *Non omnis tamen gratia medicinalis est efficax respectu omnis effectus, ad quem dirigitur talis gratia; sed solum respectu effectus, ad quem proximè à Deo datur.* Hinc gratia, quæ datur à Deo in ordine ad conversionem v.g. non illam continuò efficaciter operabitur, sed aliquando efficiet aliquam boni complacentiam, voluntatem bonam, sed nondum satis robustam, quam sequatur ipsa conversio.

Nec aliud habet expositio Doctrinæ Augustinianorum Theologorum exhibitæ Alexandro VII. & VIII., ubi articulo 2. dicitur de gratiâ illâ Thomisticè sufficienti, quod, *quamvis gratia illa per se spectata effectu illo Careat, ad quem tendit, ad quem voluntatem excitat, & ad quem per antecedentem Dei voluntatem destinatur; adeoque falsum sit hoc sensu omnem Christi gratiam semper habere eum effectum quem Deus vult: si tamen spectetur, ut cum absolutâ Dei voluntate conjuncta, merito hoc sensu efficax dici potest, quia semper id in corde hominis operatur, quod Deus absolutâ voluntate intendit.* Certum est enim apud Thomistas, auxilium sufficiens respectu unius actus semper esse efficax respectu alterius, ad quem efficiendum decreto absoluto divinæ voluntatis destinatur: *adedque apud illos omnis gratia est efficax aliquis effectus; ejus nimis, ad quem proximè ordinatur, & quem Deus absolutâ voluntate intendit.*

Ex quo patet, quo sensu dixerim in propositione accusatâ, *omnem gratiam naturæ lapsæ aliquo respectu esse efficacem:* insuper, *nullam in hoc statu esse MERE SUFFICIENTEM;* puta talem, quæ nullo respectu sit efficax; vel etiam ultra quam ad bene agendum, ex parte Dei non requiritur alia gratia: quod hactenus rejicit, & rejicit Schola Augustiniana & Thomistica.

Nec est, quod hîc objicant Accusatores, ex dictâ doctrinâ sequi, quod liberum arbitrium à Deo motum non possit dissentire, si velit, quod definit Synodus Tridentinâ. Sess. 6. can. 4. cum (ut ibidem expressè dico) liberum arbitrium etiam à Deo motum possit gratiam abdicere, si velit; & idipsum nimis sàpè faciat: tum oculos cordis occludendo piis illustrationibus intellectus; tum repellendo pios motus voluntatis, eos motus extinguendo, nec ad perfectum consensem deducendo.

Addo etiam, nihil nobis ex illâ doctrinâ commune cum hoc Articulo in Iansenio damnato ab Ecclesiâ: *Interiori gratiæ in statu naturæ lapsæ nunquam resistitur: cum (ut mox ostendi) interiori gratiæ in hoc statu sàpissimè resistatur.*